

ՀՀ վարչապետին կից կանանց խորհուրդ ԿԱՆՈՆԱԴՐՈՒԹՅՈՒՆ

Ընդհանուր դրույթներ

- 1.«Հայաստանի Հանրապետության վարչապետին կից կանանց խորհուրդը» հասարակական հիմունքներով գործող խորհրդակցական մարմին է: Խորհուրդը ստեղծվել է ՀՀ վարչապետի 2000 թվականի դեկտեմբերի 29-ի թիվ 862 որոշմամբ:
2. Խորհուրդն իր գործունեության ընթացքում ղեկավարվում է Հայաստանի Հանրապետության օրենքներով, ՀՀ Նախագահի հրամանագրերով, ՀՀ կառավարության եւ ՀՀ վարչապետի որոշումներով, այլ իրավական ակտերով եւ սույն կանոնադրությամբ:
3. Խորհուրդն իր գործունեությամբ հաշվետու էւ պատասխանատու է ՀՀ վարչապետին:

Խորհրդի հիմնական խնդիրներն ու գործառույթները

1. Խորհրդի հիմնական խնդիրներն են՝
 - Հայաստանի Հանրապետության կանանց հիմնահարցերի լուծման ուղղությամբ կատարվող աշխատանքների համակարգումը,
 - կանանց իրավահավասարության ապահովումը:
2. Խորհրդի գործառույթներն են՝
 - գենդերային քաղաքականության զարգացմանն ուղղված միջոցառումների մշակումը,
 - ընտանիքի ամրապնդմանն ուղղված միջոցառումների մշակումը,
 - սոցիալապես անապահով ընտանիքների եւ ծնողազուրկ երեխաների սոցիալական աջակցման ծրագրերի մշակումը եւ դրանց իրականացման կազմակերպումը,
 - կանանց կրթության եւ մասնագիտական որակավորման բարձրացման միջոցառումների մշակումը,
 - կանանց զբաղվածության ապահովմանն ուղղված ծրագրերի մշակումը,
 - կին ձեռներեցներին աջակցելու նպատակով առաջարկությունների մշակումը,
 - կանանց եւ երեխաների բժշկական օգնության եւ բուժսպասարկման, կրթության մատչելիության ապահովմանն ուղղված միջոցառումների մշակումը,
 - պետական կառավարման եւ որոշումների ընդունման տարբեր մակարդակներում կանանց ներկայացուցչության ապահովմանն ուղղված առաջարկությունների մշակումը,
 - մշակույթի ոլորտի կանանց ստեղծագործական ներուժի պահպանման զարգացման, մշակութային ինտեգրացմանն ուղղված միջոցառումների մշակումն ու իրականացումը,
 - վերարտադրողական առողջության պահպանմանն ուղղված ծրագրերի մշակումը,
 - հաշմանդամ կանանց եւ երեխաների վերականգնմանն, ինչպես նաեւ նրանց հասարակությանն ինտեգրվելուն ուղղված միջոցառումների մշակումը,
 - կանանց սոցիալական վիճակի մասին վիճակագրական տվյալների հավաքումը եւ վերլուծությունը,
 - Հայաստանի Հանրապետությունում կանանց վիճակի լուսաբանումը զանգվածային լրատվության միջոցներով,
 - հանցավոր գործողություններից տուժած կանանց սոցիալ-հոգեբանական խորհրդատվական օգնությանն ուղղված միջոցառումների մշակումը,
 - ազատագրված վայրերում գտնվող կանանց սոցիալ-հոգեբանական օգնությանն

ուղղված միջոցառումների մշակումը եւ դրանց իրականացման կազմակերպումը,
- ազատագրկման վայրերից վերադարձած կանանց սոցիալ-հոգեբանական
վերականգնմանն ուղղված միջոցառումների մշակումը եւ դրանց իրականացման
կազմակերպումը:

Խորհրդի աշխատանքների կազմակերպումը

-Խորհուրդն իր աշխատանքները կազմակերպում է նիստերի միջոցով, որոնք
գումարվում են առնվազն երեք ամիսը մեկ անգամ:

-Խորհուրդը կարող է անցկացնել արտահերթ նիստեր, որոնք գումարվում են խորհրդի
համակարգողի նախաձեռնությամբ, խորհրդի անդամների առնվազն 1/3-ի
առաջարկությամբ:

-Խորհրդի նիստն իրավագոր է, եթե դրան մասնակցում է խորհրդի անդամների կեսից
ավելին:

-Խորհրդի նիստը վարում է Հայաստանի Հանրապետության վարչապետը կամ նրա
հանձնարարությամբ՝ խորհրդի համակարգողը: Խորհրդի որոշումներն ընդունվում են
ձայների պարզ մեծամասնությամբ: Ձայների հավասարության դեպքում խորհրդի նիստը
նախագահողի ձայնը վճռորոշ է:

- Խորհրդի նիստի օրակարգը կազմվում է համապատասխան փաստաթղթերով
տրամադրվում է խորհրդի անդամներին՝ խորհրդի նիստից առնվազն 5 օր առաջ:

- Հարցի քննարկման ընթացքում լրացուցիչ նյութեր կամ տեղեկատվություն
պահանջվելու դեպքում, հարցի քննարկումը տեղափոխվում է խորհրդի հաջորդ նիստ:
Խորհրդի համակարգողը պարտավոր է ապահովել պահանջվող նյութերի
տրամադրումը:

-Խորհրդի նիստերը խորհրդի նախագահողի կողմից վարվելու դեպքում տեղի են
ունենում խորհրդի համակարգողի մոտ, եթե խորհրդի համակարգողը նիստի կայացման
տեղի վերաբերյալ այլ որոշում չի ընդունում:

Յուրաքանչյուր նիստ սկսվում է օրակարգի հաստատումով եւ նախորդ նիստում
ընդունված որոշումների կատարման ընթացքի մասին տեղեկատվությամբ:

- Խորհրդի որոշումները ստորագրում են խորհրդի համակարգողը եւ քարտուղարը:

- Խորհրդի նիստերին խորհրդատվական ձայնի իրավունքով կարող են մասնակցել
հրավիրված պաշտոնատար անձինք, հասարակական միավորումների
ներկայացուցիչներ: